

不祀自古迄今天命不易憑且作昏鮮不敗蹟公
孫述既沒李氏勢銜璧覆車之軌無或重跡勒名

山河敢
告梁益

唐楊炯梓州惠義寺重閣銘

大辰之歲正陽之月有
鄭縣宰扶風竇兢字思

脊昭宣令德光闡化猷庶政惟和萬人以理閒庭

不擾退食自公遠覽形勢處心淨域乃與禪師釋

智海忘言契道寓目於長平之山援飛莖陟峭嶮

削成千仞壁立萬尋俯觀大地僅如集作棗葉下

望須彌幾同芥子飛湍滴瀝而成集作響喬樹璫

璨而垂榮玉堂石室千門相似大殿珠毫十方皆

現慷慨懷一作之未立吁嗟棟宇之莫修不捨

有爲取諸大壯觀夫左龍角右參旗前太微後營

室駢羅列以雜沓瑟蕭條而集作清冷上磊落以

晃朗下弘澄而集作變肆參參差差森森纚纚干

櫺萬栱乍合乍離蓊蓊粲粲絢絢煥煥六采五章

或合或散莽如天覆矗似雲平金火含含於垂珠